

Մ.Գ. ՆԵՐՍԻՍՅԱՆ, ՊԱՏՄՈՒԹՅԱՆ ԿԵՂՇԱՐԱՐԱՐՆԵՐԸ, ՀՀ ԳԱԱ
«Գիտություն», Հրատ., Ե., 1998, 342 էջ:

Վերջերս լույս տեսավ ՀՀ ԳԱԱ ակադեմիկոս Մ.Գ.Ներսիսյանի «Պատմության կեղծարարները» աշխատությունը, ուր գետնից բեր անվանի պատմաբանի վերջին տասնամյակում գրված պատմագիտական մի շարք հոդվածներն ու գիտական հաղորդումները:

«Օսմանյան պետության քաղաքակրթական միսիայի» մասին ծավալուն հոդվածում գիտնականը անժխտելի փաստերով ու վկայություններով քողազերծ է անում պատմության թուրք կեղծարարների հորինած առասպելն այն մասին, թե իբր թուրք սուլթանները քաղաքակրթություն են տարածել, օրինականություն հաստատել իրենց նվաճած երկրներում և ամեն կերպ հովանավորել ոչ թուրք ազգություններին: Ի հակադրություն թուրք պատմաբաններ Խանի, Քյոսեյուլյուփի, Ուզունչարչլիի, Բարկանի, Ուրասի և ուրիշների նմանօրինակ խեղաթյուրումների, հեղինակը ներկայացնում է Կ.Մարքսի, Ն. Չեռնիշևսկու, Ս.Գլինկայի, Ու.Գլադստոնի, Վ.Հյուգոյի, Ս.Մվայգի և այլոց բնութագրումները, որոնք միաձայն բացահայտում են օսմանյան պետության ավազակային և վայրագ էությունը: Ներսիսյանը ընդարձակ քաղվածքներ է կատարում նաև թուրքագետ և արևելագետ պատմաբաններ Ա.Տվերտինովայի, Ա.Միլերի, Ի.Դոստյանի, Յու. Պետրոսյանի, Ջ.Ուդալցովայի, Ն.Դեթափինի, Ս.Ռանսիմենի, Ջ.Համմերի և այլոց աշխատություններից, որոնք հավաստում են, որ օսմանյան պետությունը իր գոյությունը պահպանել է միայն բազմաթիվ ավերիչ պատերազմներով, թալանով, գերեվարումներով ու ստրկավաճառությամբ: Ասվածն ամրապնդելու նպատակով հեղինակը դիմում է նաև թուրք պատմիչներ Իբրահիմ Փեչևիի, Քյաթիր Ջելբեի, Հյվիա Ջելբեի, Հայ մատենագիրներ Երեմիա Քյոմյուրճյանի, Աբրահամ Երևանցու, Վրաց պատմիչների, այլ հեղինակների համանման վկայություններին:

Պատկերն ամբողջացնելու նպատակով հոդվածագիրը վկայակոչում է նաև XIX դ. եվրոպացի ականատես հեղինակներ Շատոբրիանին, Շառլ Դևալին, Ա.Ժոբերին, Ֆրիդրիխ Մեյնդեին, Ֆրիդրիխ Բերդիին և ուրիշների: Իրեն դրանց ընդհանրացում է հնչում. իսլամացի հեղափոխ արևելագետ Հյվի Դիլլոնի աշխատությունից բերված քաղվածքը, ըստ որի՝ Արևմտյան Հայաստանում հաստատված կառավարման զազանային համակարգի հետ համեմատած, Հյուսիսային Ամերիկայի հարավային նահանգներում մի ժամանակ գոյություն ունեցող ստրկական կարգերի դաժանությունները միայն աննշան չարաչառություններ են եղել: Թուրքական տիրապետությունը Հայաստանում բնորոշվում է որպես կազմակերպված ավազակություն, օրինականացված սպանություն և վարձատրվող անբարոյականություն:

Պատմագիտական կարևորագույն հիմնահարցեր են արծարծված «Հայ ազգային-ազատագրական շարժումը օսմանյան բռնապետության դեմ և պատմության կեղծարարները» հոդվածում: Խոսելով XIX դ. երկրորդ կեսի Հայ ազգային-ազատագրական շարժման մասին՝ վաստակաշատ գիտնականը գրում է, որ այդ շարժումը, ի տարբերություն նախորդ շրջանների, ուներ համազգային բնույթ: Նա եզրակացնում է, որ եթե XVI - XVIII դդ. Հայ ազատագրական շարժման ղեկավարությունը գտնվում էր ազնվականության (մեյլքների), հոգևորականության և առևտրական (խոջայական) կապիտալի ներկայացուցիչների ձեռքում, ապա XIX դ. երկրորդ կեսին այդ պայքարի գլխավոր շարժիչ ուժն արդեն գյուղացիությունն էր, գյուղի և քաղաքի մանր բուրժուազիան, դեմոկրատական, առաջավոր մտավորականությունը, իսկ պայքարն ուներ հակաֆեոդալական, դեմոկրատական բնույթ:

Մեներսիսյանը դրում է, որ Հայ ազատագրական պայքարի գաղափարախոսությունը XIX դ. երկրորդ կեսին խորացավ և լայն տարածում ստացավ: Եթե 1860-1880-ական թվականներին ազատագրական գաղափարների ձևավորման ու պրոպագանդան գործում վճռական դեր խաղացին այնպիսի ականավոր դեմքեր, ինչպիսիք էին Միքայել Նալբանդյանը, Ռաֆայել Պատկանյանը, Բաֆֆին, Գրիգոր Արթուրյանն և ուրիշներ, ապա 1880 - 1890-ական թվականներին շարժումը Հիմնականում ղեկավարեցին արմենականները, Հնչակյանները և Հայ Հեղափոխական դաշնակցությունը:

Առաջ քաշելով Հայ ազատագրական շարժման քաղաքական կողմնորոշման Հարցը՝ Հեղինակը անհրաժեշտ փաստերով Հիմնավորում է այն միտքը, որ Հայ ժողովրդի ավանդական ուղևորական կողմնորոշումը անփոփոխ մնաց նաև խնդրո առարկա ժամանակաշրջանում: Ազատագրական շարժման գրեթե բոլոր գործիչները պաշտպանում էին Գ. Արծրունու այն միտքը, թե «Միակ պետությունը, որի վրա Հայերը կարող են Հույս դնել, - այդ Ռուսաստանն է»: Հողավածագիրն ամփոփում է, որևէ կողմնորոշումը միանգամայն պատճառաբանված ու օրինաչափ երևույթ էր Հայ իրականության մեջ:

Բազմաթիվ անհերքելի փաստերով ցույց տալով, որ Հայաստան երկրներում օսմանյան պետությունը վարում էր բացարձակ բռնության, կամայականության, ստրկացման քաղաքականություն (Արևմտյան Հայաստանի մի շարք գավառներում դուրսագրությունը գտնվում էր ճորտական վիճակում)՝ Մեներսիսյանը վճռականորեն մերժում է պատմության թուրք կեղծարարներ Էսաթ Ուրասի, Սադի Կոչաչի, Աբդուլլա Թամանի, Լևոն Բարայի, Բիլել Շիմշիրի և մյուսների ստաճող պնդումներն այն մասին, թե իբրև Օսմանյան կայսրության մեջ Հայերը գտնվել են բարեկեցիկ վիճակում, չեն ենթարկվել ճնշումների և Հարստահարությունների, Հետևապես պատճառ չեն ունեցել պայքարելու օսմանյան տիրապետության դեմ: Հակահարված է տրվում նաև թուրքական և արևմտյան ռեակցիոն պատմագրության մեջ արտահայտված այն Հակադիտական դրույթներին, թե իբրև Արևմտյան Հայաստանում բռնկված Հակասությունների և լուրջները չեն ունեցել ժողովրդական բնույթ, եղել են «գթասիրտ» սուլթանների դեմ ուղղված դավադրական ակտեր և կազմակերպվել ու հրահրվել են Հայկական «Լոմփոսներին» կամ ուղևորական պետության կողմից:

Ընդգծելով Հայության ուղևորական կողմնորոշման Համաժողովրդական բնույթը՝ Մեներսիսյանը գտնում է, որ այն ռեալ իրադրությունների ճիշտ գնահատման և ազգային շահերի դիտարկող առողջ մտածողության արդյունք էր: Ուստի պատահական չէր, որ ժամանակին ուղևորական կողմնորոշմամբ Հանդես եկան Խալաթ Օրին, Հովսեփ Էմինը, Շահամիր Շահամիրյանը, Մովսես Բաղդասարյանը, Ռաֆայել Արուստյանը, Ստեփանոս Նազարյանը, Միքայել Նալբանդյանը, Բաֆֆին, Գրիգոր Արծրունին, Արփիար Արփիարյանը և այլ Հեռատես ու Հայրենասեր գործիչներ: Ակադեմիկոսը միաժամանակ ձգտում է օսմանյան կառավարությանը ծառայադրված այն մեծահարուստ ֆեոդալներին, պաշտպանողական մտավորականությանը, Հոգևորական և քաղաքական այն թուրքամետ գործիչներին, որոնք Հանդես եկան ուղևորական կողմնորոշման դեմ, ժխտում էին արևմտահայ ազգային-ազատագրական շարժման ինքնապաշտպանական լինելը (ընդգծումը Հեղինակին է) և քարոզում էին Հավատարիմ ու Հնազանդ մնալ սուլթանին:

Մեներսիսյանը ընդգծում է այն Հանգամանքը, որ Հայ ժողովրդի Հավաքական գոյությունը, զանգվածային աճը, ազգահավաքը կամ այլ կերպ ասած ազգային լոնդոնյան (ընդգծումը Հեղինակին է) տեղի ունեցան միայն Ռուսաստանի կազմում, առանց որի չէին կարող ստեղծվել ոչ Հայաստանի 1918 - 1920թթ. Հանրապետությունը, ոչ նրան Հաջորդող Խորհրդային Հանրապետությունը:

Գիտնականը Հիմնավորապես Հերքում է XIX դ. վերջին - XX դ. սկզբին Հրապարակ նետված կեղծ ու շինծու այն առասպելը, թե իբրև ցարական կառավարությունը վարում էր Արևմտյան Հայաստանը Հայադրելու քաղաքականություն, որի նպատակն էր ձեռք բերել «Հայաստանը առանց Հայերի»: Նա

փաստերով ցույց է տալիս, որ այդ հեքիաթը հորինվել էր Լոնդոնում, անգլիացի ուսանողի կողմից, հեքիաթ, որը Ն.Պոկրովսկու գոհհիլ-սոցիոլոգիական դոգմաների ազդեցության տակ շրջանառության մեջ դրեցին մի շարք Հայ հեղինակներ:

Հենց անգլիական չհրապարակված Հուլիոսի փաստաթղթերի հիման վրա Մ.Ներսիսյանը ցույց է տալիս, որ Ռուսաստանը 1890-ական թվականներին Հանդես եկավ Հայության զանգվածային կոտորածների դեմ՝ Աբդուլ Համիդից պահանջելով անհապաղ վերջ տալ Հայկական ջարդերին: Ռուսաստանի դեսպան Ա.Ի.Նելիդովը Աբդուլ Համիդի հետ ունեցած անձնական տեսակցության ժամանակ սպառնացել է ռուսական նավատորմից ռմբակոծել սուլթանի պալատները, եթե կոտորածներն անհապաղ չդադարեցվեն: Եվ Նելիդովի զայրույթից վախեցած սուլթանը անմիջապես հրաման արժակեց դադարեցնել Հայերի կոտորածը (էջ 85): Ի դեպ, Հեղինակը ցույց է տալիս, որ Ռուսաստանի դեմ ստեղծված Հերյուրանքը ժխտում են նաև գերմանական և ֆրանսիական հեղինակավոր աղբյուրները:

Մ.Ներսիսյանն իրավամբ բացահայտ կեղծիք ու դատարկ շաղակրատանք է որակում ինչպես թուրք պատմաբանների, այնպես էլ նրանց ձայնակից այլազգի առանձին «պատմաբանների» այն պնդումը, որ եթե 1914թ. չկազմակերպվեին Հայ կամավորական խմբեր, եթե տեղի չունենար Վանի 1915թ. ապրիլյան հերոսական ինքնապաշտպանությունը, ապա արևմտահայությունը զերծ կմնար ցեղասպանությունից: Նա ուշադրություն է հրավիրում այն Հանգամանքի վրա, որ երիտթուրքերի որդեգրած ցեղասպանության քաղաքականության մասին անցյալում Նչիլ են մի շարք թուրք գործիչներ և նրանց գիտակից գերմանացի պաշտոնական անձինք՝ Հայեպի կառավարական պաշտոնյա Նայիմ բեյը, թուրքական Հանրապետության հիմնադիր Բեմալ փաշան, Կ. Պոլսի գերմանական դեսպան Վանգենհայմը և բարձրաստիճան շատ պաշտոնյաներ: 1919թ. Կ.Պոլսում և 1921թ. Բեռլինում տեղի ունեցած դատավարությունների հրապարակած նյութերը աներկբայելիորեն Հաստատում են, որ Հայոց ցեղասպանությունը կատարվել է կանխատեսված ծրագրով, երիտթուրքական կառավարության ու կուսակցության կենտրոնի հրահանգներով:

Մ.Ներսիսյանը արժեքավոր տվյալներ է հաղորդում 1983թ. Ժողովուրդների միությունը առաջին միջազգային կազմակերպության կողմից Փարիզում (Սորբոն) անցկացված Հատուկ նստաշրջանի մասին, որի դատակազմում ընդգրկվել էին տարբեր երկրների նշանավոր գիտնականներ, իրավաբաններ, տնտեսագետներ և որտեղ չորս օր շարունակ՝ ապրիլի 13 - 16-ը, քննարկվեց Հայոց ցեղասպանության Հարցը: Արդյունքում ընդունվեց դատավճռում անվերապահորեն ասված է, որ Հայոց 1915 - 1916թթ. ցեղասպանությունն անփխտելի է, որ այն իրագործվեց է երիտասարդ թուրքերի կառավարությունը՝ կանխատեսված ծրագրով ու անօրինակ բարբարոսությամբ:

Մ.Ներսիսյանը ընդգծում է, որ Հայ Ժողովրդի նկատմամբ երիտթուրքերի ոճրագործ քաղաքականությունը շարունակվեց նաև Հետագա տարիներին: 1918թ. թուրքական բանակը ներխուժեց Արևելյան Հայաստան ու Անդրկովկաս, և թուրք ազգայնամոլները 1920 - 1921թթ. փորձեցին ցեղասպանություն կազմակերպել նաև արևելահայության դեմ, բայց ռուսական 11-րդ Կարմիր բանակի վճռական միջամտության շնորհիվ դա նրանց չհաջողվեց:

Մեր Ժողովրդի ճակատագրով անհանգստացած գիտնականը կոչ է անում լինել զգույն և սթափ, Հաշվի առնել պատմության դասերը, գտնելով, որ դա անհրաժեշտ է Հատկապես այսօր, երբ ժամանակակից պանթուրքիստական ուժերը և նրանց թիկունքին կանգնած պետությունները բացահայտ աշխուժություն են ցուցաբերում Անդրկովկասի և ընդհանրապես ամբողջ Կովկասի նկատմամբ, առաջ են քաշում «Կովկասյան տուն», «Կովկասյան դաշնություն» ստեղծելու ծրագրեր, որոնց իրականացումը Հայ Ժողովրդին կբերի միայն նոր աղետ, նոր ցեղասպանություն: Իսկ արևմտյան պետություններից օգնություն սպասել չի կարելի:

«Արևմտահայերի 1915 - 1916թթ. ցեղասպանության պատմության մի քանի հարցերի շուրջ» հոդվածում ակադեմիկոսը 6 խմբերի մեջ առանձնացնում է Մեծ եղեռնի պատմության մի շարք հարցեր, որոնք դեռևս կարիք ունեն Հանդամանայի ուսումնասիրության: Նշելով, որ դեռևս անրավարար է լուսաբանված երիտթուրքերի 1909 - 1914թթ. վառած աղգային քաղաքականությունը, նա գրում է, որ արդեն

1912-1913թթ. երիտթուրքերը գործնական քայլեր են ձեռնարկել Հայերի Համընդհանուր կոտորածներ կազմակերպելու ուղղությամբ: Միաժամանակ, նաև մերձակա է պատմագիտական գրականության մեջ արտահայտված այն սխալ տեսակետը, թե իբրև Առաջին Համաշխարհային պատերազմի տարիներին գերմանացիներն են ղեկավարել Թուրքիայի ինչպես արտաքին, այնպես էլ ներքին քաղաքականությունը, իբրև երիտթուրքերը միայն կատարել են գերմանացի ղեկավարականների ու ղեկանազանների կամքը: Իրողությունը, սակայն, այն է, որ Մեծ եղեռնի զլխավոր Հանձնադրձեները երիտթուրքական ռազմաշունչ գործիչներն էին, որոնք ոչ թե գերմանացիների առկա գործակալներն ու կամակատարներն էին, այլ ունեին իրենց սեփական մտածված ու մշակված դավթողական ծրագրերը:

«Արևմտահայերի կոտորածները և ողբ մտավորականությանը 1894 - 1896 թվականներին» Հոդվածում Մ.Ներսիսյանը ցույց է տալիս ողբ փառանքներ, գրողների ու Հասարակական-քաղաքական մտքի նշանավոր ներկայացուցիչների դիրքորոշումը մեր ժողովրդի՝ այդ տարիների ողբերգության նկատմամբ: Այդ առումով նա բարձր է գնահատում 1896թ. Մոսկվայում ողբ մտավորականների Գանգեթի լույս տեսած «Положение армян в Турции до вмешательства держав в 1895 году» (М., 1896), «Братская помощь пострадавшим в Турции армянам» (М., 1897) ժողովածուները:

Ողբերգական վիճակում գտնվող արևմտահայությանը զգալի օգնություն ցույց տվեցին նաև Ռուսաստանի պաշտոնական շրջանները՝ ցարական կառավարության ինչպես բարձրագույն, այնպես էլ ստորին օղակները: Ի Հաստատումն դրա, Ներսիսյանը վկայակոչում է 1897թ. դեկտեմբերի 11-ին Նիկոլայ 2-րդ կայսեր ստորագրած Հրամանագիրը, ըստ որի, ամբողջ երկրում անցկացվեց Հանգանակություն՝ Հայ գաղթականներին նյութական ու բարոյական օգնություն կազմակերպելու Համար: Այդ բարեկամական ավանդույթը շարունակվեց նաև Մեծ եղեռնի տարիներին:

Հետևողականորեն դիմակազերծ անելով պատմության նենգափոխիչներին, ովքեր փորձում են արդարացնել օսմանյան բռնապետության քաղաքականությունը կամ վարկարեկել Հայ ժողովրդի ազատագրական շարժումը, Մ.Ներսիսյանը գրքում Հատուկ ընդգծում է, որ Հայ ազգային-ազատագրական պայքարն ունեւր գերազանցապես ինքնապաշտպանական բնույթ:

«Թուրքմենչայի դաշնագրի պատմական նշանակությունը» Հոդվածում, որը նվիրված է պայմանագրի 170-ամյակին, թվարկվում են Թուրքմենչայի պայմանագրի կնքումից հետո տեղի ունեցած դրական փոփոխությունները՝ արևելահայության փիլիկական բնաջնման, երկրի Հայաթափման պրոցեսի դադարեցում, Հայ բնակչության թվակազմի կտրուկ ավելացում, տնտեսական, մշակութային, Հասարակական-քաղաքական կյանքի զարգացում, ազգային Համախմբում և այլն:

Համանման խոհերի յուրատեսակ արտահայտություն է նաև «Պատմական մեծ իրադարձություն» Հոդվածը, որը նվիրված է Ռուսաստանի Դաշնության և Հայաստանի Հանրապետության միջև 1997թ. օգոստոսի 29-ին Մոսկվայում կնքված պայմանագրին: Գիտնականն այն գնահատում է իբրև եզակի պայմանագիր, բարեկամական իսկական դաշինք, որը շատ կարևոր նշանակություն կունենա Հայաստանի թե ներկայի, թե ապագայի Համար:

Դրքի երկրորդ բաժնում Հրապարակված են մի շարք արխիվային նյութեր՝ Հեղինակի անհրաժեշտ մեկնաբանություններով ու գնահատականներով: Պատմագիտական որոշակի արժեք են ներկայացնում «Հայկական Հարցի արձարծումը 1912 թվականին», «Հայկական Հարցի և Հայ կամավորների մասին (1912 - 1915թթ.)», «Բնմայական գործերի բարբարոսությունները Արևելյան Հայաստանում 1920թ. վերջին և 1921թ. սկզբին», «Արխիվային նյութեր Ուրիմյան Հայրիկի մասին» Հրապարակումները և այլ նյութեր:

Դրքի վերջում գետնդրված է ՀՀ ԳԱԱ Պատմության ինստիտուտի պատրաստած կենսագրական Համառոտ տեղեկանքը՝ կյանքի իններորդ տասնամյակը բաղադրած Հայոց պատմության մեր օրերի վաստակաշատ գիտնականի մասին:

Մ.Ս.ՎՆՄԱՊԵՏՅԱՆ

Պատմական գիտությունների դոկտոր